



# Ha ke rate meroho



Molteno



Ntina le moradi wa hae, Nkadimeng, ba ile toropong ho ya reka meroho bakeng sa dijo tsa mantsiboya.

Ntina o kenya moroho ka hara kolojana ya lebenkele.



“Moroho o molemo bakeng sa bophelo bo bottle.” Ke Ntina eo.

“Ha ke rate meroho, nke ke ka eja.” Ke Nkadimeng eo ka manganga.



Hape Ntina a nka mokopu.

“Re tla ja mokopu bakeng sa dijo tsa  
mantsiboya.” Ke Ntina eo.

“Ha ke rate meroho, nke ke ka eja” Ho rialo  
Nkadimeng.

“Matha o nke eie, Nkadimeng.” E boetse ke  
Ntina.



“Eie e bohlokwa bakeng sa bophelo bo  
botle.”

“Ha ke rate meroho nna, e a ntena.” Ke  
Nkadimeng hape.



Ntina o kenga dinawa tse tala ka kolong.

“Re na le dinawa tse tala bakeng sa dijo tsa mantsiboya.” Ke Ntina eo.

“Ha ke rate meroho. Nke ke ka eja.” Ho rialo Nkadimeng.

Ntina a nka ditamati.



“Tamati e bohlokwa bakeng sa bophelo bo bottle.” Ke Ntina eo.

“Ha ke rate meroho, e a ntena.” E boetse ke Nkadimeng.



Matha o nke ditapole moo, Nkadimeng.” Ke Ntina, a mo roma.

“Re tla ja ditapole bakeng sa dijo tsa mantsiboya.”

“Nna, ha ke rate meroho.” Ke Nkadimeng, “e a ntenga.”



Ha ba le hae, Ntina a hlatswa meroho, a e ebola, a ba a e kgabela.

A kenya meroho ka pitseng e nang le metsi.



Ntina a pheha meroho e kopaneng le nama.  
A noka ka letswai, pepere le dinoko tse ding.

Yaba Ntina o pheha pitsa e kgolo ya papa.

Setjhu sa kopana ya ba dijo tse monate.



Bosiung boo, Nkadimeng a ja dikotlolo tse  
pedi tsa setjhu sa meroho ka thabo.



“Ha ke rate meroho, empa ke rata setjhu.” Ke  
Nkadimeng eo.

Ntina a mo sheba ka thabo.